

8
DISSERTATIO MEDICA
DE
CAUTA
MIRACULORUM
IN
MEDICO FORO
DIJUDICATIONE.

Quam
RECTORE MAGNIFICENTISSIMO,
SERENISSIMO PRINCIPE AC DOMINO,
DOMINO

CAROLO CHRISTIANO
ERDMANNO,

DUCE WIRTEMBERGIÆ, TECCIÆ, OELSNÆ
ET BERNSTADII, cet.

P R Æ S I D E

VIRO NOBILISSIMO, AMPLISSIMO, EXPERIENTISSIMO
& EXCELLENTISSIMO

DN. ELIA CAMERARIO,

M.D. P.P.O. Ser. Wirtemb. Duc. Confiliario
& Archiatro,

Dn. Patrono & Promotori in æternum de-venerando.

PRO LICENTIA,

Honoribusque Doctoralibus obtinendis
publice defendet

WILH. LUDOVICUS OETINGER, Göpping.

TUBINGÆ, literis GEORGII FRIDERICI PFELICKII. 1733.

DIRETTORI ADAM

CALTA

MIRACOLI

MEDIO FORO

DIRETTORI

RECTORI

CAROLI

FRANCO

DUCE

PRO

ON

PRO

PRO

PRO

PRO



PRÆFATIO.



Miracula Parisiensibus facta sunt ab aliquot retrò annis scandala, imò ludibria; Abbas Parisius Jansenii, dum viveret, castra secutus est, hinc Archiepiscopi & Jesuitarum odia adversus frequentia, quæ ad tumulum ejus edebantur miracula; Agmina Pastorum de veritate miraculorum deponentium, atque examen Præsulis frustra efflagitantium con- temnuntur, Medici de veritate eadem perhi- dentes Testimonia negliguntur; primarius Sta- tus Secretarius Medicum celebrem, D. Renau- ne durissimè habuit, exprobravitque ipsi ju- dicium pro veritate hujus ex istis miraculis ab- ipso latum; Si Molinista fuisset Abbas, omnia forsitan cum applausu reciperentur, sed æquum non est ad Jansenistæ tumulum fieri miracula;

nemoque facile in vasta urbe dubitaret de fanato miraculosè famulo Ducis de Chatillon, à paralyfi finistri lateris hac via subito liberato, nisi Molinistica Schola Abbatem damnasset. Dederunt istæ lites occasionem huic nostræ dissertationi, legimus ista facta, rationesque pro & contra allegatas, merentur ista attentionem Medicorum, sed nondum maturæ sunt istæ lites, nec de iis ferre adhuc judicium sustinemus. Cautè sanè hic Medicis pronunciandum est; ipsorum semper erit ferre judicium de veritate talium miraculorum, quibus & fraudes accedere possunt innumeræ, graviterque querebatur doctiss. Lancisius quantum ipsi operæ, quantum sollicitudinis indies offerant gravissimæ quondam & maximè seriæ circa canonisationes miraculorum dijudicationes, quibus Pontifex ejus oneraverat conscientiam. Eandem nos circumspectionem commendamus in præsentibus pagellis. Veritati omnes alii cedunt respectus, hæc unice curæ est cordato Medico. Quò rariora sunt hodiè vera miracula, eò tardius, nec sine evidentia ac convictione plena sententiam dicet Medicus, cui curæ cordique est Dei gloria, scopus ipsius unicus, cujus intuitu vilescunt ipsi cætera omnia.

Chriftiani nominis hoftes , Celfus , Porphyrius , Julianus , aliique hujus furfuris homines , quantumvis impii , non omnem tamen exuerant frontem , neque enim audebant negare miracula Chrifti , etfi ea Magis adfcriberent artibus ; Modernorum tamen quorundam Empæctarum impudentia horum longiffimè fuperat impietatem , cum & negare facta haud erubefcant , & in allegorias transformare evidentiffima miracula ; adeò exiguum illud , quod ipsis obtigit , rationis non excolunt , fed abfurdè ac ftolidè agunt in transversum , ut fpiritu vertiginis abrepti hiftoricam negent veritatem , negentque proin principia , indignique fint quibuscum difputemus . Parum hi nocent Christianifmo , nec feducent nifi miferos quosdam , datosque in reprobum fenfum focios fuos . Id tamen mireris , eorum deliria publicè typis exfcripta proftare , imò & novis impunè editionibus multiplicari . Heteroclitæ fcilicet mentes hodiè in gradibus etiam altioribus abundant eminentque ; placentque , ac cariffimo emuntur pretio impia , abfurdaque , modo fint paradoxa , abeantque à fenfu communi quàm longiffimè .

Seculo in caducam hanc vertiginem prono , ac infeliter in absurda ruente cum impetu quodam effreni , non equidem multum laborandum eft de lavandis his Æthiobus , eò tamen majori cautela judicandum eft de miraculis , ne graviora fibi peffimis farcafms adducant judicia homines ipfiusmodi maleferiati . Ingenium humanum ta naturâ perverfum , corruptumque eft , ut cum alii ceriffima rejiciant , alii ex adverfo nimia peccent , cæcaque redulitate . Opus ergò eft criteriis etiam circa miracula circumfpectè dijudicanda . Unde & Curia Romana , cui frequentiffimè talia obverfantur , coacta eft repagula po-

nere nimiae facilitati, cum falsa passim miracula, falsæ reli-
 quiae venditarentur, ipsaque interdicere his, imò occlu-
 dere facella cogeretur ob miracula non fundata, quæ ema-
 nabant cum scandalo in publicum; nulla ergò admittit,
 nisi à se approbata, quæque sustinuerint processum exa-
 ctum ac solennem, cumque agatur plerumque de sanatio-
 nibus subitaneis ac inexpectatis, solet Medicos potissimum
 vocare in subsidium, quorum effato superstruit decisionem
 suam, de quo testimonium dixit Celeb. Lancisius, Archia-
 ter Pontif. Et requiritur omninò solidum in istiusmodi ca-
 sibus Medici, ingenuumque iudicium, quod quidem innu-
 meræ circumstantiæ reddunt difficillimum. Ipsaque hæc
 difficultas deberet formidinem incutere pronunciantibus,
 cum verissima illa, quæ in sacris tradita nobis sunt, miracu-
 la, stabilita semel facti certitudine tam sint manifesta, tam-
 que evidenter divinum præferant characterem, ut nulla
 discussione eruditionis indigeant, sed doctis pariter, in-
 doctisque suam illicò imprimant veritatem, id quod, si spa-
 tium nobis suppeteret, ostensu per inductionem non fo-
 ret difficile. In moderna tamen incertitudine, creduli-
 tate, ac diffidentia, æquissimum est recurrere ad peritos
 in arte, modò illi sint solidè eruditi, ingenui, ac libera
 judicandi coram oculis Dei facultate præditi. Suppetant
 verò tales, agantque quod suarum est partium, nondum
 tamen evanescet difficultas in iudicando, quæ potissimum
 nititur methodo recepta. Medici iudicant in prima in-
 stantia; alii rursus Medici ferunt iudicium in secunda, su-
 premaque instantia. Iudicia omnia, quæ non plena qua-
 dam parrhesia ac libertate feruntur non possunt non suspe-
 cta videri iis qui penitus, solidèque res quasvis discutiunt.
 Dolendæ sunt Medicorum vices tum in prima, tum in
 secunda instantia, quæ Acta prioris ponit pro fundamento,
 quod

quod si lubricum fuerit, etiam superstructa decisio parum erit firma. Ponamus casum, uti subita quædam gravissimi morbi in melius mutatio multitudinem adstantium eventu lætorum adeò percellit, ut miraculum grata erga Deum, Intercessoremque aliquem mente proclament, Medicus videt singularem Dei in hoc ægro bonitatem ac providentiam, si miraculum strictè dictum non agnoscat, incurrit in profanitatis suspicionem, obnitendum ipsi est devotæ multitudini non sine periculo famæ, etsi agnoscat, non supra omnes naturæ vires sanationem contigisse; liberum saltem ipsi non est dissentire, quam facile hominum timor conniventiam quandam ipsi extorquet, si maximè & ipse prius de periculo ægri summo fuerit convictus.

Trahamus huc vel tribus verbis notissimum, cujus veritatem Cel. Prof. Lovaniensis Verheyen testatus est, miraculum; Jesuita largissima hæmorrhagia ad incitas redactus, ac convulsivis inde motibus miserè afflictus, ad B. Francisci Xaverii opem novendiali devotione recurrit, ac celeri satis sanatione restituitur, cum doctissimus Medicus eum jam letho addixisset; Nemo hîc dubitabat de miraculo Sancti hujus intercessione factò; medicus ipse desperaverat; (at quoties fallimur in istiusmodi prognosis) poteratne igitur resistere torrenti, Ordini tam perpicaci obloqui, imò propriæ inclinationi hæsitando renunciare; cum tamen cætera non ignoraret quàm subito ægri & post hæmorrhagias enormes, imò adhuc magis post terribiles epilepsias vigorem, sanitatemque haud parò recipiant. Pensitemus aliud quod allegant Patres Trevultienses miraculum intercessioni S. Aloysii Gonzagæ adscriptum, ubi Comitissa Juvenis feбри atque accedenti-
bus hystericis convulsionibus ad incitas redacta celeriter
resti-

restituta est ; si cui libeat dubitare , atque subsistere in speciali providentia divina absque miraculo strictè dicto , is agnoscat hystericas suffocationes , internas convulsiones sæpe mentiri lethalem agonem , regressumque hinc subito satis in melius fieri , cessantibus stricturis , cum stupore adstantium , subitaneam opem admirantium non immeritò. Medicus verò ipse attonitus , videns , audiensque applausus adstantium , imò totius urbis , ne cogitare quidem potuit de liberiore discussione , omnes mox testes cum ipso sub juramenti fide deposuerunt de veritate miraculi , & quis Illustris Familiæ , ac totius Societatis J. gaudiis ausus fuisset sub istis circumstantiis sese vel dubitando opponere. Opportuno tempore res gesta est , cum ageretur cum fervore in Curia summa de beatificatione Gonzagæ æstumatissimi , acta hæc oblata sunt alteri instantiæ , quis hîc Medicorum obstare Magnatibus petentibus beatificationem , quis Societati , quis votis omnium , formando dubia , sine periculo potuisset. Hoc volui dicere , cum supra assererem raram hic esse plenam judicii libertatem. Nec enim jam pugnamus contra hæc miracula , sed agimus de circumspectione , ac de libertate & sinceritate judicii in causis tam gravibus requisita ; ubi sæpè non tutum est profiteri quæ sentias ; quis enim ausus fuisset obloqui Populo Hispano , cum miraculo adscriberet mactorem Statuæ marmoreæ , cœloque irritato adscriberet hoc phænomenon editum ob hæreticos protestantium milites Augustissimo Imperatori nostro tum militantes ; quis inquam hîc ausus fuisset inclamanti miraculum populo objicere Hygrometra , halitusque in frigidis saxorum fornicibus concentratos in aqueas guttas , usque ad formationem juxta P. Francisci Tertii D. Lapis artificium fontium artificialium ?

Sentio verò etiam mihi agendum hîc esse circumspectè, neque enim cuiquam vel genti, vel Religioni suæ vel invidebo, vel impugnabo miracula; cautelas saltem, attentionemque commendo, pensitoque quid medici in re tam ardua requirat officium. Cum ergò dicentur quædam specialius de miraculis, ea non dicuntur scopo impugnandi, sed in luce clariori vera ponendi miracula. Quæ adeò, exili nostro calculo, negari nec debent, nec possunt, ut potius existimandum sit, Deum Opt. Max. qui se tot mirabilibus, stupendisque naturæ eventibus manifestum reddit cœcis mortalibus, etiam inter omnes gentes quibusdam saltem miraculis se manifestasse, & adhuc forsân manifestare, torpidosque homines iis excitare, etsi rarò succedat eventus ob stuporem hominum. Nec dubitamus Viros Apostolicos, qui vitam suam Evangelii prædicationi inter feras gentes impendunt, posse fieri adhuc hodiè Instrumenta, in patrandis miraculis, Gloriæ divinæ. Stuporem hominum atque negligentiam modò accusavimus, quibus fit ut magnifica etiam Dei opera manere queant occulta; præprimis ubi nemo attendit, nemo inquit nisi in mundi hujus vanitates. Nec dicas, talia non posse latere; multa fanè latent inter gentium tenebras profundas. Annon audimus continuè voces eorum qui Magiam hodiè omnem rident, exploduntque? Annon jaçant libertatem Belgii, Angliæque & locorum omnium qui hæc somnia non credant, ab hisce magis, pactisque diabolicis, quippe quæ nullibi se manifestent, nisi in terra credulorum; nos enim non dubitamus, etiam in istis terris latere occultissima (propter commoda diabolici regni cujus interest hæc non credi) cum pravis geniis pacta; possunt omninò talia occultissimo serpere cancro, uti gravissimum aliud malum diu

ibi latuit, donec aggere rupto, divinaque providentia id prudenti Magistratui manifestante, visum est omnes pervasisse tristissima peste reipublicæ recessus. Inquisitio enim sollicita protrahit in lucem quæ altis oppressa tenebris quàm diutissimè latebant. Sed debet inquisitio sapientiâ atque omni circumspeditione ac lenitate niti. Si verò de miraculis Medico etiam sensu ac judicio dicendum aliquid cum firmitate ac soliditate fuerit, id agendum ante omnia erit, ut idea miraculi genuina, & characteres qui dubio careant determinantur consensu quodam, qui longè præferendus esset odiis, suspicionibus, studiis partium, similibusque veritatis inveniendæ impedimentis. Non potuit igitur non placere nobis ardor eximii Missionarii P. Noël, qui cum Patri suo Generali de Missionem Sinensi, jussu Superiorum à quibus Romam hoc scopo missus erat, plenius referret, hæc inter alia addidit verba: *Aliquot Domini Romani sæpius ex me huc delato quæsi-verunt, an Deus verbum suum in Sina quibusdam etiam firma-verit miraculis? His verò respondere soleo, nos hac in re non esse nimium credulos, nec miraculi nomen audere factò alicui tribuere, quod illud non sine ulla contradictione mereatur ex omni parte; sed nobis id sufficit, quod certos e-ventus, qui alii quàm di-vinæ ac supernaturali virtuti adscribi haud possunt, miros appellemus e-ventus, quorum quidem in China numerus est insignis. Non poterat latere Virum prudentem, socios suos hîc nimium esse faciles, ac pro miraculis venditare, quæ perspicacibus æquè ac incredulis possent videri dubia; quorum & mox subjungit exempla. Trans-eat verò apparens contradictio verborum ipsius in se laudabilium.*

Si enim omnia illa quæ hominum mentes graviter afficiunt, quorumque causæ manifestæ non sunt, sed in divina

divinæ

divinæ providentiæ sinu paulò profundius latent, miraculis accenseas, nulli sane genti, vel Sectæ denegari possunt miracula; nec deberet una alteram ex quadam quasi invidia excludere; uti Scriptor qui Turretinianam Nubem Testium impugnavit dictatorie asserit, Protestantes ne unum quidem habere miraculum. Si dixisset, eos miracula non expectare, vel desiderare, fidentes quippe unice veraci Dei verbo, imò & eos esse minus attentos ad talia, ac ferè negligentiores, cum alii istis inhiando excedant, facile impetravisset assensum. Dum verò cum Sociis admittit suæ Ecclesiæ talia miracula, quæ non inter Protestantes solum, sed vel inter Turcas, ac Gentiles sese offerant, circumspicere non agit. Exempla suggerit Vita P. Francisci de Hieronymo, Jesuitæ. Infans decidit ex altitudine 25. palmorum in lapideum pavementum, mox ipsi applicatur caputium Patris, infans est incolumis, quoties quæso inter Protestantes contingunt tales ex alto lapsus sine ulla læsione infantum per fenestras ruentium in plateas; idemque inter omnes contigit gentes; veneramur hinc providentiæ divinæ bonitatem, custodiamque Angelorum, ad miraculum non audemus recurrere. Idem caputium Patris admotum fuit infanti à Medicis derelicto, qui ad se rediit; quam quæso vastus est numerus ægrorum Medicorum judicio lethaliter decumbentium, qui tamen sine miraculo evadunt in omni terræ angulo, etsi nemo inclamet miraculum. Infans natus mortuus testimonio adstantium, & aspectu cadaverosus reviviscit ope patris; quoties verò id vidimus, & quoties id contingit in omni gente, ut infantes nascantur adstantium judicio mortui, aspectu cadaverosi, qui vel momento post reviviscunt quasi, clamant, ac rubicundum induunt colorem, pulmonibus ac corde sanguinem jam liberius propellentibus ac transmit-

tentibus ; durat sæpe fatis diu illa mors apparens , verum
 non est mors, sed debilis vitæ qualiscunque occultatio nata
 ex pressura enormi capitis sub difficili partu angustisque
 nimis ; multis sæpe ac diuturnis opus est excitamentis, fri-
 ctionibus, odoribus fortissimis, insufflationibus violentis,
 antequam cordis machinula incipiat agere, animatis jam
 vivacius torpidiusculis ejus fibris : ac recordamur pueri
 talis nulla arte excitandi , donec ex succini accensi frusto
 decideret ardens guttula in præcordia , qua adustione mox
 excitatus vixit , vixitque diu sine miraculo. Conciona-
 batur Pater in foro Neapolitano ingenti multitudini , rhe-
 da prætervecta , equis perterritis frenumque mordenti-
 bus prosternit infantem , mater ejus Patrem objurgat,
 accurrens ille facto crucis signo attollit puellam sanam,
 salvamque ac subridentem. Si hanc providentiæ beni-
 gnitatem agnoscant esse miraculum , omnibus miracula
 nationibus largiuntur , loquitur experientia , talesque ex-
 hibet prostratorum hominum sine læsione ruinas , etsi
 & multi alias succumbant , graviterque lædantur. Plu-
 viam post longam siccitatem ipsius precibus obtentam mi-
 raculum si dicas , ubique exempla talium reperies ; faci-
 le hîc obtinent fallaciæ non causæ ut causæ , nec quod
 precibus obtinetur statim miraculum est. Medicus qui
 panis micas à Patre relictas ægris pro remedio exhibuit
 cum fructu potuit errare in judicando , nullibi frequen-
 tius erramus , quam in assignandis sanationum causis ; pi-
 lulæ aliâs ex pane recenti formatæ purgarunt fortiter ju-
 vante persuasionem & forti imaginatione ; imò recordamur
 lapillorum pilulas exactè referentium , eadem vi alvum
 moventium fortiter. Quod de hernia infantis quadrien-
 nis dicitur Patris ope sanata , aliis quoque gentibus mira-
 cula adscribit , tales enim herniarum sanationes in infan-
 tibus

tibus sunt frequentes, fibris processuum firmioribus red-
ditis, iterumque meliori firmitate adstrictis, sicque in-
testinis exitum denegantibus ulteriorem. Carinolæ Epi-
scopi vesicula sub lingua sæpius post inanitionem iterum
repleta, tandemque linteolo Patris tacta exarescens pos-
set tum dici miraculum, si non constaret ubique talia in
istiusmodi vesiculis tandem planè sanandis evenire. In-
fans septem annorum, filamentum ex Patris tunica deglu-
tito coepit loqui; in tempore venire omnium rerum pri-
mum est; tarda verò linguæ molimina ad loquendum
tandem, vel pisciculo avidè deglutito, evalescentia ex-
hibet dudum sine miraculi inclamatione historia Medica.
Infans quem Apoplecticum adstantes dicebant, restituitur
à Patre ad lachrymas sui Patris; rarò Infantes sunt Apo-
plectici. Internis verò convulsionibus immoti ac quasi
mortui jacentes in quavis gente deprehenduntur revivi-
scere quasi subinde tales infantes. Infans clausas à nativi-
tate habuit palpebras, imagine Patris imposita apertæ illæ
fuerunt; siue constrictæ spasmis fuerint, siue sanie con-
glutinatæ potuerunt sine miraculo aperiri. Ac dum Præ-
latus quidam juratò asserit se ope Patris à tribus morbis
incurabilibus fuisse ereptum, debet tamen agnoscere, se
non posse ita positivè decidere, quid sit incurabile, ac si-
bi non ita constare certò potuisse, an Patris hoc interces-
sio patraverit, nec quicquid precibus obtinetur dici debe-
re miraculum.

Non urgebimus præsentiam Patris simultaneam in
Provincia, & in urbe Neapolitana cum qua analogiam
habet, quod refertur de P. Baldinucci, Jesuita quoque
ipsum Trappæ incolas austeram vitam superante, hic multo
populo comitatus tendebat Anagninam, evanuit is ex ocu-
lis

lis populi, eodemque tempore in oppido Anagnia, plusquam horæ spatio inde distante fuit præsens. Nemo non videt, posse ex horologiorum maxima disparitate talia etiam alibi evenire, cum populus in via tempus horologii urbis præcisè nosse non potuerit, imò nec verum tempus. Nolumus tamen his insistere, sunt enim incerta & difficilia, attinguntque celebrem controversiam, an repugnet idem corpus esse simul in duobus locis, quam B. Leibnitius, in decidendo alias non timidus, non ausus est decidere. Ipsaque temporum diversa in diversis locis ratio, vel ex ipsa loci longitudine, vel ex incuria horologia dirigentium orta, rem hic reddit intricatam, uti de P. Antonio Patavino narrant, eum Romæ eadem hora ac Ulyssiponæ fuisse concionatum, ubi multæ quæstiones concurrunt, & ipsa quoque diversa longitudinis & proin horarum ratio attendi debet, si supponas raptum ab uno in alium locum subitaneum, sed non libet istis insistere. Sæpe etiam non sufficienter enarrantur circumstantiæ talis phænomeni, uti e. g. cum dicitur S. Franciscum Xaverium in straminea casa assidentem, ea incensa ab Indis, non fuisse combustum; annon potuit inde egredi pater, imò annon debuit? ne tentaret Deum. Annon hoc & alii sine miraculo potuisset accidere. Sic cum recensetur Missionarios nec à Tigribus, nec ab Anguibus fuisse læsos, agnoscimus providentiam Divinam, miraculum non agnoscimus, nisi & talia aliis sectis velit tribuere adversarius Turretini. Idem de Incendiis circa certas ædes Christianorum subsistentibus dicendum, cum & alibi mira sæpe hujus generis occurrant phænomena. Id unum liceat addere, jungi sæpe talia miracula, quæ æqualitatem ratione dignitatis non videantur habere, & minora majoribus præferri, cujus habemus exemplum in

in recensione P. Juliani de Vergara , qui tria recenset circa martirem P. Fiol à Caribibus percussum miracula , primum censet maximum , quod aliis minimum videbitur , Fiolii scilicet ossibus in Ecclesiam Casanatam delatis , subito inter depictas ibi in tabula Sanctorum imagines , ipsius quoque imaginem , à nemine ibi pictam , comparuisse miraculosè ; ubi tamen imaginatio facilè potuit habere locum , quæ de similitudine imaginum mira diversitate judicat , sicque hoc aliis non magnum videbitur , qui reliqua duo difficilimè admittent , scilicet capsæ lignæ , quæ ossa recipere ob parvitatem non poterat , subitaneum incrementum , & fluvii Piraquæ , in quo adversus currentem non poterant deferri sacra ossa , mirabilis complacentia , quod refluxu suo versus fontem detulerit Casanatam sacras reliquias. Nec sanè scribuntur hæc , ut omnia Missionariorum miracula vocentur in dubium , supra enim jam mentem nostram aliter declaravimus , sed ut commendemus magis sollicitam dijudicationem ac distinctionem eorundem , quæ non permittet uni tantum sectæ hoc attribui privilegium , ac requirit omninò solidiorem characteris miraculo proprii determinationem , quam antea desideravimus.

Impingunt enim hic etiam magni nominis Viri , exemplum modò exhibuere doctissimi Patres Trivultini , qui ista P. Franc. D. Hieronymo miracula recensent , dudumque omnes alias sectas à miraculorum excludunt consortio , quo jure vidimus modo , dum Noëllii cautelam non sequuntur , sed laudant adversarium nubis testium omne miraculum Protestantibus denegantem. Et hi tamen (si brevis , nec aliena à scopo digressio veniam accipiat) ipsis Patrum Exc. verbis probare possent , quod aliàs ipsi asserunt , reformationem ipsam , spectatam in successu suo
mira-

mirabili esse miraculum , cum enim recensent solidum
Dittoni de Resurrectione librum , pro divinitate Religio-
nis Christianæ probanda, sequentia adhibent motiva, etiam
pro Reformatione egregiè , eodem jure militantia : *L'ex-
cellence de la morale Evangelique , le progrès etonnant que la
Reforme , qui enseigne cette morale , fit dès sa naissance , sont
autant des preuves celebres de la verité retablie. Les prece-
ptes de l'Evangile (rendus aux fideles par la Reforme dans leur
pureté) sont tous utiles au repos , & au bonheur de la société,
tous convenables à l'interet , & à la perfection de la nature hu-
maine , tous infiniment dignes de Dieu. Se pourroit il faire
que l'origine de la reforme (qui nous a rendu ce tresor) ne fut
pas celeste ? Rappelons les belles victoires que la Reforme dans
sa pureté remporta sur des ennemis , que leur esprit , leur pou-
voir , & leur malice rendoient si formidables. Nous recon-
noissons dans ses progrès la main de Dieu , qui seul pouvoit
accompagner d'un succès si rapide , une entreprise , conduite par
des voies qui naturellement devoient la faire echouer. Tant
de grands evenemens qui l'ont suivi , ne rendent ils pas solen-
nellement temoignage à la divinité de cette Religion retablie ; si
cela n'étoit pas venu du Ciel , & n'en eut pas été avoué , Dieu
n'eut pas permis cette grande revolution. Grata mente pro-
testantes sua facient verba hæc tantorum virorum , Re-
formationis æque ac Religionis divinitatem indubiè de-
monstrantia ; nec proin tam contemptim sentire debe-
rent de piis etiam dissidentibus acerrimi Censores , qui
magnos quidem illis negare passus non audent , eos ta-
men extra viam esse odiosè statuunt. Facile est sibi, suis-
que tribuere Pietatis Monopolium , tueri verò illud diffi-
cillimum. Quid verò ista in Medica dissertatione ? di-
cent Clar. Viri ; aliud non respondemus , quàm nos in
Medendi Methodo ordinis esse tenacissimos, in scribendo
autem*

autem ingenuæ indulgere libertati , æquitati tamen semper innixæ. Transeant verò ista.

Quandoquidem verò Medico suppetere debent certa criteria , ac characteres , quibus discernere miraculum , atque agnoscere cum certitudine queat , patet eo ipso , non posse eum penitus à principiis Theologicis hoc in negotio abstrahere , sed potius ex altiori isto foro exhaurire , quæ conducere ipsum queant in via adeò salebrofa , atque tot difficultatibus exposita , cum timore enim ac reverentia eò magis versandum est in arduo hoc negotio , quò impudentius fæx mortalium mente captorum in illius viscera grassatur. Plurima tamen huc spectantia exhibet solida Dissertatio de Miraculis Weismanniana. Definitio igitur genuina ante omnia stabilienda est , optandumque esset ut in simplicitate veterum definitionum acquievissent Moderni , nimiam enim affectando subtilitatem rem intricare magis quàm declarare solent. Potuissent omninò manere in definitione Thomæ Aquinatis , qui illa simpliciter miracula esse dixit , quæ divinitus fiunt præter ordinem communiter servatum in rebus ; cum quo consentiens Musæus inquit : *Miracula propriè loquendo sunt effectus rari & insoliti ; præter ordinem totius naturæ creatæ à Deo producti.* Nimix ampliationes ac præcisiones bona intentione superadditæ vel nihil dicunt , vel rem intricare solent. Et fanè raritas in definitionem assumpta alias hominum pravorum peperit definitiones , qui cum Lentifice Spinoza ipsam miraculi Essentiam ineptè in insolito , raroque eventu posuerunt. Cui porrò bono de gradibus miraculorum tam sollicitè ratiocinantur ? Cum e. g. dicitur : *Summum gradum inter miracula tenere , in quibus aliquid fit à Deo , quod natura nunquam facere potest : Secundum gradum tenere illa , in quibus Deus aliquid facit , quod*

C
natura

natura facere potest, sed non per illum ordinem; tertium gradum, cum Deus facit, quod consuetum est fieri operatione naturæ, sed absque principiis naturæ operantibus. Gradus hi sunt respectu nostræ ignorantiae & debilitatis intellectus, in Deo nihil ponunt graduale. Omnia hæc æqualiter sunt supra naturæ vires, fiunt sine ipsius ordinato concursu, ac eveniunt sine consueta ipsius legum applicatione. Sunt ergò æquali jure miracula dicenda, infinita vi ac voluntate facta extra ordinem naturæ; Virium in Deo gradus non sunt, ergò nec miraculorum; aut æqualia sunt hæc omnia miracula, aut miracula non sunt. Natura facere nihil potest, quod non ipsius legibus legumque applicationi indidit creator; nec aptè dicitur naturam posse facere aliquid, quod Deus facit, sed non per illum ordinem, ipsa natura nihil aliud est nisi ordo præscriptus actionibus creaturarum à Deo, juxta quem omnia ordinariò fiunt, ubi istæ leges non agunt, & tamen opus sistitur, ibi est summus gradus miraculi, operatio solius Dei, cæcitati nostræ impervia.

Turbat quoque hos Theologorum circulos recentior animadversio Viri & moderatione & penetratione clari, D. Prof. Holmanni, qui definitionem illorum genuinam graviter infectatur, vidit dubio procul vel per microscopium quoddam, vel polyhedricum vitrum difficultates ex illa germinantes periculosas, quæ efficiant, ut indubium non solum vocari possit, sed etiam debeat, si sua constare miraculis dignitas, & religioni veritas debeat; parcius ista tamen Viris Optimis erant objicienda. Approbamus quidem omninò Cautelam Ipsius, monitumque: Non posse ulli vitio verti, si propter solam dicentium auctoritatem nihil admittat amplius, aut ulli calculum rei sine rigoroso examine prævio nunquam adjiciat:

Occa-

Occasio tamen condendi hunc canonem non debebat sumi ab innocenti prorsus, tot præstantissimorum Virorum approbatione fulta definitione. Rationes Viri Cel. nos haud movent ad assensum. *Multa dicit esse miracula quæ cæteris paribus non omnes naturæ vires superent, quæritque: Quis adeo audax, vel rerum omnium ignarus est, ut hæc omnia talia esse (miracula scil. Veteris Testamenti) dicat, quæ omnium causarum secundarum vires superent, atque à minore virtute, quam ea, quæ naturam ipsam condidit proficisci nequeant? Ad-*dit 2. neminem mortalium nunquam scire potuisse quid miraculum sit, quia nemo vires naturæ, nedum totius, accuratè intellexit, aut unquam intelliget. Hinc 3. periculosissimas fluere consequentias, secuturum enim, pleraque scripturæ miracula non esse vera, & cum religionis Christianæ Veritas inter alia argumenta miraculis quoque innitatur, nulla verò spes sit, fore, ut per integram vitam nostram ad adæquatam virium naturæ cognitionem perveniamus, per integram quoq; vitam de veritate religionis Christianæ fluctuandum esse, quamdiu supponatur miracula vires naturæ omnes superare. Nos hic deprehendimus argumentum clarissimum infirmitatis humanæ; nemo alias æquior est in disputando, nemo acrior in retundendis iniquioribus consequentiarum fabris D. Holmanno, incidit tamen hic bono animo in errorem eundem, nec itque consequentias funestas, ubi locum illæ habent nullum, ubi nec agnoscuntur, nec agnosci possunt à parte adversa; quia miracula non in circumstantiis individualibus intuetur, sed in generali sua habitudine ac possibilitate, quod tamen fieri nulla ratione debebat. Nos enim, juxta ipsius verba supra allegata, ita esse audaces, rerumque omnium ignari volumus, ut omnia Vet. Testamenti miracula talia esse dicamus, quæ omnium causarum secundarum vires superent, atque à minori virtute, quam

C 2.

ea,

ea, quæ naturam ipsam condidit proficisci nequeant. Miramur hinc doctiss. Viri verba : Verbo miracula in illo rerum naturalium nexu, seu mundo, ad quem intuitu temporis & existentiae suæ pertinent, in natura causarum naturalium fundata non sunt, alias enim non essent miracula, licet multa eorum ita comparata sint, ut in alio causarum atque effectuum nexu fundata utique eadem esse possent. Quam hîc nobis Utopiam loquitur Vir Cl. de miraculis sermo est religionem Christianam confirmantibus, hæc in hoc nexu rerum floret, alius mundus nec datur, nec dabitur, cui ergo bono ad alios nexus mentem reflectimus, cur intricamus rem satis in se difficilem sine necessitate. Etiam nos probamus eorum studia, qui omnia probantes, nihil admittunt, nisi satis firmatum. Absit verò ut hæc extendamus ad talia quæ firmis nituntur fulcris concutienda; talemque censemus hanc definitionem. Quod attinet ad exemplum ibi allegatum de pluvia Eliæ preces secuta, fatemur multas cadere pluvias, sed non sumus solliciti de pluviis in alio mundo imaginario; imò concedimus, alios, etiam non empæctas, dubitare posse, an pluvia illa fuerit verè miraculosa. Suspendio pluviae tam diuturna fuit sine dubio miraculosa, suspensis tamdiu in Athmosphæra halitibus, in sacro verò textu non dicitur pluviam fuisse miraculosam, potuit enim Deus ad preces Eliæ remove obstatulum, seu relinquere sibi dissipatos tendentesque ad coalitionem vapores, sicque oriri pluvia ordinario sibi jam relicto naturæ cursu ac nisu. Docent sanè hîc omnia, nec dignitatem miraculorum satis fuisse expensam, nec naturæ ordinem ac vim satis perspectam. Malumus igitur retinere definitionem antiquam, cum revera novam, melioremve non dederit Vir Cel. Dum enim contendit,

mira-

miracula esse effectus supernaturales , hoc est , ex causarum secundarum operatione non oriundos , sed ab ipso Deo productos ; nihil prorsus aliud dicit , quam boni illi veteres qui ipsi vapulant. Utut enim dicat aliam illam esse , quia non præcisè neget , in alio rerum ordine alioque mundo potuisse talia à causis secundis produci , hoc ipso tamen nihil dicit , quid enim ad nos alius mundus , quid ad Christianam religionem , cujus periculum ipsi incutit horrorem. Et si quidem putes te habere aliam definitionem novam , statim tamen recides in antiquam , si enim quærat incredulus , cur ab ipso Deo hæc sint producta , quove id constet argumento , responderi aliter non potest , quàm patere id ex eo quia effectus omnes naturæ excedat vires ; egregio circulo ; & qui eandem offert difficultatem , ac necessitatem omnem naturæ vim exactè cognoscendi , quæ tam periculosa videbatur. Theologi fanè & expresse extraordinariam Dei allegarunt operationem , & ne per somnium quidem cogitarunt de possibilitatibus , quæ obtinerent , si aliæ leges naturæ , alii rerum ordines à Deo essent constituti. Cum enim rectè exhibilent miserabilem Spinosam has leges necessarias , & ex ipsa Dei essentia natas existimantem , eo ipso agnoscunt Deum potuisse alium mundum , alias leges condere , quid verò hæc ad miracula hujus mundi commodis data ac inserta ; vanum est loqui de alio ordine , qui non nisi in possibilium vasto ambitu fingitur , quæriturque , & cum his miraculis nexum prorsus habet nullum.

Cum Theologi dicunt , omnem naturæ vim superare miracula , loquuntur de hujus mundi Mechanismo sapientissimè constituto ; & quis aliam novit naturam ? nullum ergò hîc periculum est. Veneratur Vir Cel. Scripturæ miracula , cui ergò bono tam liberaliter ostendere libuit

buit ea vires naturæ omnes non excedere. Quid enim intelligit per naturam ? Vocet etiam in subsidium Spiritus finitos, quorum vim nobiscum profundissimè ignorat, nihil tamen proficit; nec in æternum probabit suum ef-
 fatum. Aquæ maris rubri stabant erectæ instar muro-
 rum; & nos audemus affirmare, tale quid hoc esse, quod vires causarum secundarum, etiam spiritus cujusdam fi-
 niti, vel plurium etiam, infinitè superet. Quis ipsi per-
 mittit talia fingere pro lubitu ? Nota nobis est aëris com-
 pressio, noti omnes antliæ pnevmaticæ effectus ab un-
 decim inde lustris, novimus quid hydrostatica doceat
 circa elevandas, retinendasque tantisper in sublimi aquas,
 sed quid ista ad vastissimos illos crySTALLINOSQUE Arabici
 sinus muros, qui maris illius vastitatem, profunditatem,
 cum orientali mari nexum omnesque pensitat circum-
 stantias facile judicabit de verbis seq. *Hoc ergo modo, vel
 per solius aëris aquæ incumbentis, fortio-rem compressionem &
 attolli aqua, & murorum instar contineri in situ, ipsius ejus-
 dem aëris compressi ope commodè posset.* Egregia commodi-
 tas, modo etiam modus fuisset indicatus, probatumque
 Spiritus finitos ita posse condensare & comprimere athmo-
 sphæram, ut sustentet fluctus vastissimos tot milliarium;
 Solus hoc Deus potest. Hic non indiget antliis pnevma-
 tics; quarum tamen effectus in formandis talibus muris
 aquaticis hætenus Philosophi non potuerunt ostendere,
 quod quemlibet hodiè posse nimis liberaliter asseritur.
 Dabuntur ne his Spiritibus corpora, manusque satis am-
 plæ quæ muros istos fluidos detineant; an relinquentur
 illi suæ puritati spirituali; in profunda nostra istarum re-
 rum ignorantia, non deberemus esse adeò audaces in
 conjecturis, ut ea tribuere creaturis audeamus, quibus
 summa Majestas voluit non Ægypto solum, sed populis
 omni-

omnibus manifestare omnipotentiam suam , gloriamque immensam ; alieni sanè sunt ab ea arrogantia Spiritus finiti puri , ut sibi tribui patiantur quæ soli omni potentiae relicta , ac inter divina reservata sunt ; pravi autem Spiritus quid valeant sub iudice lis adhuc hodiè est , sunt valentiores quàm forsan increduli , ipsorum mancipia fidelia , existimant , eò tamen eorum vis non evalescit , ut tam vastum mare elevare in muros possint , quorum nec ministerio usus fuisset Deus , ipsi sibi eo casu futurus contrarius , cum indurato Pharaoni voluerit ultima quasi scena apertissimè vim suæ gloriæ ac potentiae ob oculos ponere , qui conspecta illa eosdem , secutus Israëlem , subiit , eos solidiores quam quidem re ipsa erant , existimans , sicque plenam Majestatis unius veri Dei convictionem in ipso exitii sui puncto obtinuit. Sed nec Vir Cl. dubitat de solius in opere hoc Majestatico Dei concursu ; nos saltem ne possibilem quidem fuisse alium asserimus. Neque existimamus elicitam ex Petra aquam , quanquam hîc ex causa supernaturali ac infinita factum , id reverà fuerit , fieri tamen ab inferiore quadam potuisse , etsi nullum planè Viro Cl. supersit dubium. Totum prolixum ratiocinium nos non movet ; in siccissima Arabia , tantam aquæ vim tantis castris sufficientem , ex petra virgæ percussione elicere solius Dei est. Latentes venæ hîc non sufficiunt. Et quibus haustis creati Spiritus immensam aquæ vim ex visceribus terræ per solidas rupes in hanc petram intulere. Eò vis eorum non pertingit. Aliter aquam in unum cogere ea copia , ut vastissimis sufficerent castris , in deserto , nec venti , nec tempestates ea ratione possent , divina eò vis sola sufficit. Solos rebelles Coram , sociosque , eorumque habitacula terræ faucibus absorberi , sine ullo viciniæ damno , sine prævio

vio terræ motu , omnipotentiam requirit operantem , novimus ruinas urbium , origines abyfforum , stagno- rum , sed non sine terris sulphureis , cavernis subterra- neis , cuniculis subverfis &c. Muri Hierichuntis potuif- sent arietibus infringi , sed non uno impetu concidere ad tubæ sonitum , finiti Spiritus tanta vi non pollent , si verò ut instrumenta Dei id agant , æquè homines pares erunt tantis rebus , sed tanquam instrumentales causæ , ubi vis omnis , & gloria est Dei ; Sic Simson suo robo- re publicas ædes millibus hominum repletas non potuif- set convellere , hinc robur invocavit Divinum per ipsum gratiosè operans. Columna Israëlitas regens eorum mo- tus , stationesque accuratè direxit , voluntas Dei sola , nulla intelligentia huic rei par erat ; Lux increata hîc so- la fulsit. Enecandi vis igni naturalis est , non verò ea ratione qua periit Nadab & Abihu , altius tum principium requiritur. Ignis cœlitus Eliæ tempore delapsus sacrifi- cium , aquamque absumens altiorem habet necessariò originem quàm fulmina. Ignem in sua ἀκμή , in fornace extra ordinem æstuante ita avertere à corporibus , vesti- busque , ut igniculorum rotatio confusa , scindens , la- cerans , fundens omnia , tendens quaquaversum , extror- sum solùm vibretur , nec ullum nisum exserat in corpo- ra profundissimè , intimèque immensa , infinitam requi- rit in omni casu Virtutem. Nec tam facile videri debet , aquam noxiam , amaramque salubrem reddere ; aut fa- melicos Leones continere. Natare ferrum in circum- stantiis historiæ Biblicæ non nisi divinitus juberi potuit ; etsi enim hoc scopo Deus non habuerit necesse congre- gare vim materiæ magneticæ ad protrahendum ex aquis ferrum , sed sola suspensione gravitationis columnæ aquæ ferro , perpendiculariter incumbentis , quo ipso circum- stanter

stantes columnæ mox natæ faciebant ferrum , id tamen non nisi Divina vi , extraque omnem naturæ potentiam potuit evenire. Quamvis enim cum Connoriano Evangelio Medici solam legum suspensionem ad miracula explicanda sufficere non existimemus , hoc tamen in casu talis suspensio gravitatis sufficere poterat. Ut infantia nostra præsumere non debeat , ac si vias Domini possit agnoscere. An ulla virtus finita efficere potest , ut cadaver attingens ossa sepulta vitam recipiat ? an potuit umbram facere retrogradam ? an sanare Hiskiam ac vitæ prorogare annos ? Paucis omnia Scripturæ miracula ita sunt comparata , ut certitudinem , ac evidentiam suam secum portent , omniumque animis mox imprimant. Si cuipiam Allegoristæ Woolstono , aut inepto Deistæ aliter videatur , hi relinquendi sunt stultitiæ suæ ; falleretur , quisquis crederet tam profundè cauterisatos quædam vocularum in definitione mutatione ad meliorem mentem posse reduci , ut rectius sentiant de religione ; alius ipsorum scopus est , alia infeliciū istiusmodi operum destinatio , quæ penitus deberet contemni. Manent miracula firma pro veritate Religionis argumenta ; nihil ipsi metuendum est à recepta definitione ; evanescit omne periculum , omnis umbra periculi ; si exactam virium naturæ , quidque illæ valeant , notitiam excludamus à dijudicandis miraculis , uti excludi omnino debent. Hoc habent divina Scripturæ miracula , ut sua mox radiant luce , ut doctos æquè ac indoctos ita dignitate sua , ac claritate feriant , ut divinam unicè agnoscant originem , sine examine virium naturæ , hîc planè superfluo ; evidentiam tam manifestam , heteroclitica quædam , impiaque capita obfuscare minimè possunt , nec debent. Ut taceam aliud esse fidei lumen , aliud rationis. Vidimus

D

jam

jam circa exempla veteris Testamenti divinum miraculorum characterem; libet verò nunc quoque pensitare aliqua novi Testamenti miracula, eorumque illustrem divinæ originis lucem atque convictionem, non mentibus solum indoctorum illucescentem sponte sua, sed & doctos indubiè convincentem. Conceditur visio perfecta homini à nativitate cæco, contingit id in publico, ne hostes quidem Christi de rei veritate dubitant; quænam hîc naturæ vires eò usque evalescunt; five enim ungues obtexerint corneam, five hæc transparentia caruerit, five glaucoma Crystallini radiorum impediverit transitum, aut pellicula pupillæ prætensa, five retinæ varices, aut ferenæ guttæ in optico nervo obstructo genesis postea radiata visum abstulerit; hanc certè nobilis sensus productionem tam subitanæ nemo non divinæ transcribebat virtuti, quæ sola radiis viam dare, Spiritibus liberum influxum per cæcos nervorum canales valet; quæ sola annihilare atque auferre suffusionem, cellulas crystallini limpidas, radiisque pervias efficere, unguemque celeriter in tenues dispergere auras valet. Et quàm clare id comparuit in cæco sensim restituto, ubi radiorum transitus ex parte restitutus confusè arborum specie repræsentavit objecta, mox pleno ipsis transitu dato accuratè omnia visui oblata sunt. Confirmat id cæcitas S. Pauli, à Deo solo & facta, & sublata rursus, utrumque ictu quasi oculi; nec enim solum lux divina vi radiorum intolerabili retinæ fibrillas obtuderat, sed creverant subito in oculis ungues, qui accepto Baptismo feliciter ac subito decedentes furfurum specie plenum reddebant radiis per limpida viam ingressum. Quisquis oculi attentè scrutatur, novitque penitus structuram, ac teneritudinem delicatissimam istarum partium, assensum mihi haud negabit.

Si

Si talia hodiè fierent , nemo , nisi infaniens , naturæ hæc viribus transcriberet. Nec lacûs Siloæ Aqua , nec saliva Salvatoris vi naturaliter medicinali restituit visum , quod ex abundantia acuminis quibusdam placuit statuere. Contrarium omnes historiarum illarum docent circumstantiæ , ipsaque mali vis. Aures ense abscissam solo attactu pristino vitali circulo restituere humorum , ac vitalitati , tubulosque & canales tam aptè iterum conjungere divinam requirere vim ii facile agnoscent , qui difficultates Chirurgiæ curtorum Tagliacotianæ (quam in Galliis multis ambagibus nonnemo in scenam voluit reducere) penitus introspexerit , noveritque quàm nihil spei sit in tali abscissa parte semel penitus separata. Fæmina (Luc. 13.) miserè contracta per plura lustra , unico quasi momento rectitudini restituta efficacissimè probat & infinitam Christi vim , & existentiam morborum Dæmoniacorum seu Magicorum , cum Servator ipse testetur , tendines istos contractos fuisse , ligatosque à Diabolo. Illud ergò fascinum potenter solvit Christus , & naturalem flexilitatem , mollitiem , tonumque restituit tendinum diuturna tot annorum mora induratum quasi , exsiccatorum , occallescentium simul vi divina restituit ; uti surdum mogilalum , soluto quoque infesto Satanæ vinculo potenter integritati restituit. Tot in his omnibus casibus concurrunt restituenda , corrigenda , stabilienda , mutanda , ut sperare id à creatura , vel naturæ vi ulla , sit prorsus absolum , ac rationifanæ contrarium. Solo vocis imperio ad vitam revocare mortuos tam sublime est , ut nemo vel Physicorum , vel Medicorum vim eò naturæ sufficere sine impudentiæ nota sit affirmaturus ; Juvenem jam elatum mandato efficaci in vitam restituere plurimum dicit ; quis nisi summus naturæ arbiter potest

unionem animæ corporisque semel ruptam, sublatumque conspirantium partium commercium restituere in integrum, vel stupidissimi hoc agnoscunt; habentque & Eruditi quo obstupescant, si Lazarum jam foetentem videant obsequi mandato Christi, ac redire non solum in vitam, sed & ligatum adhuc ex sepulchro prodire, tum demum ab arctissimis liberandum vinculis; hîc non sufficiebat reddita mentis cum corpore unio, restituenda erat partibus solidis, fluidisque integritas, vivacitasque pristina, molimina putredinis jam profundissima erant eliminanda, fibræ tono suo restituendæ per Spirituum novorum influxum, horum novæ generationi aptanda organa, nervorum tubuli illis influentibus referandi, coagulum humorum solvendum, hydrostatica cordis machina novis motibus excitanda erat; innumera enim hic concurrebant miracula in unum mirabiliter concentrata. Si quis verò videret Hydropicum subitò, soloque attactu ab infausta mole liberari, an is prius, antequam agnoscat miraculum, inquireret, an faccatus fuerit hydrops, an abdominis cavum repleverint aquæ, an rupta vasculorum Lymphaticorum latera coaluerint, an vasa resorperint serum stagnans, an scirrhosum hepar potuerit poris denuò apertis functiones obire pristinas, similiaque; agnosceret fanè vel ex his ipsis suis scrupulis, sanationem talem naturæ viribus esse superiorem. Magnam Socrus Petri febrim tactu manus tollere, dicit, malignitatem, putredinemque incipientem, sanguinis turbationem mixturæ intimam redigere in decentem ordinem ictu oculi; quis ista tribuet finitæ potentiæ, etsi non sciat nec naturæ macrocosmicæ, nec microcosmicæ virium mensuram. Sanguinis fluxum inveteratum, ubi occalluerant oscula aperta, ubi fusio in sanguine vapescente erat cachectica,

nul-

nullis naturaliter repagulis coërcenda , cohiberi tactu vestimenti ictu oculi , restituto in integrum & uteri tono , & sanguinis crasi , creatas penitus superat vires. Si videres hominem immobilem vel resolutis muscutorum & ligamentorum fibris , vel ficcatis , fortiterque adstrictis & contractis , vel Spirituum omni cessante influxu in organa motus , portare subito lectum cui incubuerat , possesne dubitare de vi altiore quàm humana , ac naturali. Siccatam manum in publico confessu & conspectu omnium restituere in integrum , fibris reddere robur , tubulis cavitatem , liquidis per eam circulum , toti organo pristinum ictu oculi vigorem solius Dei est. Quisquis stru-cturam auris intimius perspexit , & mollis nervi per cochleæ ac Labyrinthi mæandros reptationem , & linguæ intricatos musculos , restitutam subito auditionem & loquelam eò magis mirabitur , Deumque authorem tantæ rei glorificabit , cum legit grande illud Christi miraculum. Spiritibus malignis absoluto imperio injungere obedientiam , eosque sedibus pellere innumeros , & in circumstantiis infinitis ipsorum vim omnem retundere ac reprimere creatas vires infinitis superat parasangis. Vipera mordet Pauli manum , venenum subit massam sanguineam , incolæ expectant virulentiaë tetra Symptomata , salvus manet Apostolus , venenum non potuit pervertere sanguinem , nec coagulare , nec fundere , adest , ac si non adesset ; naturæ vis veneni penetrantissimam acrimoniam , fermentumque viperinæ salivæ activissimum cohibere nunquam posset : nec opus est omnem naturæ energiam habere perspectam , ut id agnoscas , qui viperæ veneni celerrimam vim norunt , agnoscent miraculum sine requisitione ulterioris notitiæ. Siste tibi animo virum membris omnibus ligatum , cujus articuli pedum

inde à pueritia occalluerant cum tendinibus , ligamentisque , ubi succus ex glandulis lymphaticis æquè ac sebaceis stillans concresecendo impediēbat omnem articulationis usum , autoritate nominis Jesu mox in pedes profili-
re , saltare , exultare in conspectu populosæ urbis , ne hostes quidem Apostolorum audent negare factum , populus omnis agnoscit miraculum ; imò Listrenses de istiusmodi miraculi veritate divina adeò erant convicti , ut ex Apostolis illicò facerent Deos , quia omnes hominum vires superare agnoscebant , tam subitam , tam in oculos omnium incurrentem , & omnem medendi artem superantem sanationem.

Et quem quæso acutissimi Philosophi nexum causarum detegent inter Petri umbram , viliæque Pauli linthea , ac gravissimorum malorum depulsionem efficacissimam ? annon potentissimum Numen rebus adeò nullis , adeò vilibus vim suam admirandam manifestare voluit , potuitque in conspectu populorum , stupendos effectus viva fide à rebus adeò exilibus expectantium , anhelantiumque. Mandatum subitaneum Pauli Elimam Magum oculorum mox usu ac pelluciditate ad tempus privans omnes dubio procul mox de vi majori , ac prorsus eminenti convicit. Aquam convertere in vinum optimum primum Christi miraculum fuit , gloriam ejus manifestans , illudque lubens reponet inter primaria , quisquis naturæ librum penitus paulò habens perspectum innumeras coctionum succi in vite vicissitudines ac gradus , partiumque lentas ac incredibiliter varias combinationes attentiori meditatione , cum genesi ac transmutatione hac subitanea contulerit. Quænam Creatura potest prævidere nummum in ore piscis liberè in stagno vagantis , ac jubere piscem ut ad capiendum se offerat ? similesque stu-
pen-

pendos præscientiæ divinæ in Christo se exferentis effectus ? Quis non obstupescit ad Parrhesiam Pauli omnes secum naufragio vicinos de vita securos esse jubentis ? Quies mari imperata ; cibatio tot millium multiplicatione panis , pisciumque ; horumque in retia incomprehensibilis coacervatio meritò autoptas in stuporem terroremque dedit. Linguarum verò donum tantum est , ut ne quidem comprehendi à finito intellectu queat , linguæ pendent à consensu hominum , operosè verba & cum rebus junguntur & memoriæ imprimuntur , hîc verò simul ac semel non unam , non duas , non tres , sed omnes artibus indigentes linguas , at ! quàm diversas , loquuntur asseclæ Christi. Nec minus fit miraculum Poireti explicatione. Insculpere tot ideas distinctas tabulæ mentis rasæ est solius omnipotentis splendidissimum negotium , exferens sese non in paucis , sed in numero innumerabili fidelium eo dono ornatorum in primitiva ecclesia. O quam dura hodiè missionariis incumbit necessitas , absurdas discendi linguas , immenso labore ac sudore ; nulla nunc , quod mireris , tanti doni vestigia ; quod olim erat tam frequens , tam vulgatum ; adeò distinguit Deus nascentem , puramque Ecclesiam , à tepida , frigidaque Moderna ! Luculentissimum verò divinitatis miraculorum argumentum incomprehensibilis eorum præbet numerus ; cautius discant mercari qui indiscriminatim raritatem inter criteria miraculorum referunt ; nostris ea temporibus congrua est ; Christi & Apostolorum tempora frequentiam omnium mentibus , oculisque obtrudebant inscrutabilem ; quoties dicitur : & sanabantur omnes ! projiciebantur ægri ad pedes Salvatoris ; considera regionem Judææ populis refertissimam , urbem omnes Europæ urbes incolarum numero superantem ; per annorum

norum tractus omnes ægri pro lubitu sanabantur, quotquot poterant adduci; imò si Apostolorum per tot gentes itinera adjeceris, numerus exsurget uti ineffabilis, ita incredibilis sanatorum, superans plurima millia, imò plurimas myriades; hi omnes clamant, testanturque, nec vel Judæi, vel Gentiles audent negare, quod in oculis omnium erat factum; huc verba Johannis faciunt, negantis, mundum posse comprehendere omnia Christi & Apostolorum facta si referrentur cum suis circumstantiis, sunt enim innumera, imperscrutabilia, infinita, abscondita mortalibus Sapientiæ divinæ opera.

Eant nunc profani ac semidocti Woolstoni, Massei, aliique ejusdem furfuris Severambici nugatores, audeantque infringere, supplantare, in Allegorias convertere facta in omnium coævorum oculis gesta. Qui ipsorum næniis moventur, semina ejusdem malitiæ in se jam habuerunt germinantia. Evidens est, non requiri exactam virium naturæ notitiam ad miracula agnoscenda, insinuant se illa vi divina menti benè præparatæ, abripiuntque assensum dum fiunt, adeò ut vel exinde possit Medicus, miraculum dijudicaturus, de certitudine & dignitate ejus fieri certior, si illud propius accedat ad miraculorum Christi evidentiam, contradictioni haud obnoxiam. Actale quidem fuit quod in Ducatu hoc nostro Leobergæ in publica Concione totiusque civitatis præsentia superiore seculo contigit, alibi à nobis jam allegatum, ubi foemina per plurimos annos adeò contracta ac quasi concreta, ut manibus æquè (scabellis munitis) ac pedibus miserrimè incederet prona in terram defixa, subitò fide plena inter sermonem Ministri Ecclesiæ de efficacia fidei in integrum restituta erexit corpusculum, nudum eo ipso partium ob vestes huic situi non proportionatas, adjecerunt

cerunt mox foeminae siparia sua , nec quisquam dubitare vel potuit , vel voluit de manu Dei omnipotente hoc miraculum magnificè perficiente in publico conspectu Ecclesiae ; etsi nemo perspiceret , quâ ratione ligamenta indurata , tendines contracti ac eo ipso aridiores , brevioresque , & calli articulorum tam celeriter potuerint induere flexilitatem , tonique pristini vigorem , mollitiem , ac stabilitatem . Tale tamen non audemus pronunciare , quâ evidentiam , Parisiense anni 1725 . à Cardinali Noallio publici factum juris , agnitumque miraculum , plenius jam D. Prof. Holmanno perpensum ; respondet quidem breviter Doctiss. Viro Diarium Trivultinum : *Mr. Holmann ne tire point ses objections des exemples allegués dans les procès verbaux de Canonization , c'est succomber.* Nec tamen sufficit dixisse : *Succubuit.* Respondendum erat ad argumenta . Nos litem hîc miraculo huic non movebimus ; nec diffitemur tamen , id multis intricari dubiis , si quis legerit varias chartas volantes , in ipsa Parisiorum urbe impresas , quæ de Medicorum hæsitazione , affectus in declinationis statu constituti decremento antecedaneo , remedium assumentorum frequentia , statu ægræ morbido post sanationem , &c. plurima suggerunt dubiam reddentem facti speciem . Ista verò nihil ad nos . Viderint alii an hæc Jesuitarum verba conveniant cum iudicio Bibliothec. ratioc. Europæ , dicentis : Il est à remarquer , qu'entre tous les miracles (allegués par l'adversaire de Mr. Turretin) il ne parle point du tout de celui de la Dame la Fosse . C'est sans doute , que l'auteur est ami des Jesuites , & que ce miracle est de contrebande par rapport à eus . Hoc saltem sufficit monuisse , tales eventus , evidentiae singularem illum characterem præ se haud ferentes , omninò attentam Medicorum requirere dijudicationem , ut libe-

ra mente , nec ligata aliunde agant , & pronuncient , si-
que altiori Tribunali non qualiacunque , & quæ dicun-
tur aliàs pro Amico , offerant decisa , quod quidem sæ-
pissimè difficultatis habet plurimum. Non sufficit ægros
convalescere , ac tribuere suam convalescentiam precibus
alicujus Sancti , sed requiruntur tales insuper characteres ,
qui 1º supernaturale evidentia quadam peculiari , vel sal-
tem tali , cui solidi quidpiam opponi haud possit , in ta-
li eventu Medicorum , omniumque æquius judicantium
calculo stabilire valeant.

Non cumulabimus confirmantia thesin hanc nostram
exempla ; duobus erimus contenti , quæ suggerunt Te-
stimonia duo Gallorum Canadensium. Colit hæc Gallo-
rum Colonia æstimatque , Virginem Irocoam piè defun-
ctam , hanc miraculis post mortem inclarescere scribit P.
Cholence , additque ex majori quem laudat , imò ingen-
ti numero duo hæc exempla. Dominus de Colombiere,
Canonicus , & Generalis Vicarius Quebecensis testatur,
se inde à Januario ad Junium usque tarda quadam febre
frustra medicamentis impugnata laborasse , accessisse flu-
xionem , ne hypecacoanhæ quidem cedentem. Tandem
se vovisse iter ad tumulum Catharinæ Tegah-Kuita , mox
facto voto evanuisse febrim , fluxionem verò fuisse immi-
nutam ; navi dehinc se petiisse locum , vixque emensa ter-
tia itineris parte sanum penitus evasisse , huic ergò san-
ctæ virgini hanc adscribit sanationem. Dominus de Luth,
Gubernator Fortalitii Frontenac , testatur , se per annos
viginti tres podagra variè vexatum , ut vel ad trimestre
extensi subinde fuerint dolores , refugium itaque suum
sumsisse ad Virginem Irocoam Catharinam Tegah-Kui-
tam ; finita igitur novendiali in honorem ipsius devotio-
ne , ita fuit à podagra liberatus , ut per quindecim jam
men-

menses liber sit à podagra. Cum febres per tot menses
 tardius affligentes frequentissimè per se tandem soleant
 cessare, restituta & remediis & diætæ regimine massæ
 sanguineæ mixtione antea turbata, facilè hîc fuerit com-
 mittere fallaciam non causæ ut causæ, si sine acriori exa-
 mine domesticis fidatur ac partialibus, de factò ope vir-
 ginis miraculo, testimoniis; cum & podagræ, post lon-
 gos insultus, longas quoque concedentis inducias sup-
 petant non infrequentia exempla. Absit igitur ut impu-
 gnem veritatem sanationum, maluissem tamen videre
 testimonia, rationibus firmata, D. Sarasin, Regii Que-
 becensis Medici ac Consilarii. Vidimus Cel. hujus Viri
 testimonium ab ipso expetitur ab Episcopo Quebecensi,
 circa quinque Religiosas è sepulchris eductas, ac 25. cir-
 citer annos ibi detentas. Primæ pedes, brachia, hume-
 rosque naturalibus multum similes deprehendit. Pecto-
 ris summum sub claviculis patebat in cavum pectoris, fa-
 cies quasi deleta, cutis attenuata cum cranio concreverat
 in unum corpus. Auris avulsa sanguinem fudit rubentem,
 muscoli induruerant; Odor antri potius, quam cadave-
 ris erat foetor. Manus secundæ consumptæ, & facies,
 reliquum satis integrum. Gaudebat de invento egregio
 Episcopus cum Religiosis. Tertia tota destructa, exce-
 pto pede extremo, ossa calcinata nigra. Duæ reliquæ
 penitus consumptæ. Terra erat argillacea, compacta,
 quam nec aër penetret nec aqua, calx quæ cadaveribus
 injecta erat alicubi deprehendebatur adhuc viva, & ar-
 dens ubi incubuit manibus benè conservatis. Variolis
 occubuerant. Quærit an Calx balsamum fuerit se insi-
 nuans & indurans musculos? considerat terram compa-
 ctam plusquam balsamum quodcunque, aërem arcendo,
 conservantem; quærit tamen cur partialis illa æquè ac

calx fuerit. Non tacuit, varias dari cavernas cadavera naturaliter integra conservantia. Tandem factum vocat problematicum; modestissime quidem; & ne gaudium D. Episcopi monialium interromperet, addit, si decidendum aliquid sit, rem habere aliquid extraordinarii, & subjungit, possem forsan sine temeritate plus dicere. Agnovit Doct. Vir difficultates circa talia miracula perpetua obvias, in specie circa Sanctitatem ex integritate Cadaverum judicandam. Novit innumeras ossium reliquias, de quorum Sanctitate ipsius Ecclesia haud dubitat. Interim laudantur tot corpora adhuc integra. Gallia ostentat corpus S. Claudii & S. Anthelmi; Italia S. Catharinæ Bononiensis, S. Claræ de Montefalcone, S. Agnetis de Montepulciano, S. Rosæ de Viterbo, S. Nicolai Tolentini, S. Caroli Borromei, S. Magdalenæ de Pazzi. Hispania S. Narcissum, S. Ferdinandum, S. Isidorum, S. Terefam; Portugallia S. Elisabetham; Anglia S. Eduardum; Belgium S. Hubertum, India S. Franciscum Xaverium. Quærit adversarius D. Turretini, si natura hæc conservet corpora, cur non & Protestantes præservet? si verò Diabolus, cur non conservet Magos quosdam potius, vel sceleratos. Quærat aliquem qui ipsi respondeat ad magistrales has quæstiones; inter Protestantes nemo inquit in hanc rem; idque eò minus, quod sciunt, Ecclesiam Græcam, vastam illam & antiquam, oppositum planè contendere, nempe excommunicatorum corpora non posse in terra consumi, nisi solvatur ab Ecclesia excommunicatio, cujus quoque ritum attingit in Itinerario D. de la Motraie. Sancti & excommunicati plurimum inter se distant. Ajuntque autoptæ conservationem non semper adeò esse integram. Tantam verò integritatem nemo facile finxerit, qualem Author Diarii

Lite-

Literarii ann. 29. exprobrat Præfecto Languedoci Babilio, malleo Hugonotarum, & sub quo tot eorum milia, teste Boulainvillierio, igne, laqueo, & rota perierunt, ita verò ille: Nous avons été fort surpris, d'y trouver un fait, qui ne devoit pas être appuyé sur l'autorité d'un homme du mérite & de la capacité de Mr. de Basville, il dit, que le Corps de S. Fulcran, Eveque de Lodève, qui s'étoit conservé entier, pendant 567. ans, fut déchiré par les Huguenots, qui vendirent sa chair à la Boucherie; il auroit dû nous dire, si elle fut vendue pour du veau, ou pour du mouton. De corpore Martyris P. Fiol effosso dicit P. Julianus de Vergara, ipsius carnes fuisset similes planè lacti coagulato, unde facilè fuerit conficere sceleton desideratum, quia carnes tales atque omnes partes molliores facile separabantur ab ossibus; uti refert ex Letr. edific. P. Stœklin. Medicorum sanè & hîc in judicando sunt partes, non equidem de sanctitate, sed de causa integritatis, hinc D. Sarrafin prudenter factum vocat problematicum in isto Ecclesiarum dissensu. Nodum verò nec Medici, nec Physici solvent, cum toties inter venerit jam decisio Sedis Romanæ. Quanta verò in agnoscendis miraculis perpetuis cautela opus sit, cum primis nos docuit relatio Chirurgi Galli Ponceti de tali miraculo, hic rediens ex Aula Æthiopica, in quam deductus fuerat ad ægrotantem Imperatorem per Hagi-ali ipsius Ministrum, rediens adiit Monasterium, in quo illud conspicitur, de quo ita scribit: *Deductus ab Abbate in Templum, volui videre miraculum, cujus gratia è via excesseram, quodq; mihi videbatur incredibile, nisi à me conspiceretur; persuaserant enim mihi, in altaris sinistro latere bacillum solidum ex auro hæere suspensum libere in aëre sine ullo fulcro inde à trecentis annis.* Cum rem ita deprehendis-

sem, suspicabar tamen, an non hæreat bacillus secreto quodam, tenuiq; fulcro, nudo oculo haud perceptibili, rogabam hinc Abbatem, ut permittat mihi accedere propius, remq; accuratè perspicere. Ut igitur certus de re ista fierem, baculo meo bacillum aureum undiq; circum exploravi, supra atq; infra, antè, postèq; baculum circumducendo, atq; infallibiliter cognovi, hæere id prorsus liberè in aëre; ad quod experimentum eò magis exhorruì, quo minus rei tam extraordinariæ causam naturalem potui detegere. Subierat mentem actio validi Magnetis, bacillum ferreum auro inductum forsan suspendentis; cogitaveram de lusu Optico, latente cavo speculo, cujus proprietas est, res extra se in aëre suspensas monstrare. Desii verò sollicitus esse de ratione hujus miraculi, partim quod idem Poncet dicat, se observasse Zibethum nil esse nisi animalis istius sudorem pectine collectum, arboremque Caffæ erroneè describat, tribuit enim ipsi filiquas fabarum filiquis similes, tum verò cumprimis, cum legerem Dominum le Grand, editorem Itineris Æthiopici P. Lobo recensere Ponceti reditum in Parisiensem urbem, atque uti ille de domo fuerit in domum deductus, ubi sua omnibus vendiderit mendacia, fuisse enim hominem ex mendaciis ac fraudibus totum confutum, compositumque, qui & à Rege iterum missus in Æthiopiam fuerit, qui verò comites prope rubrum mare deseruerit, rapta secum cista Medico-Chirurgica regiis impensis egregiè instructa, abieritque in Provinciam Jemen, Suratam inde petiit, tandem Ispahanum ingressus ibi finiverit vitam fraudulentam. Nolumus nos de illo pluribus judicare, potest mendax aliquando verum dicere.

Amplum porrò aperit Physicis Medicisque disquisitionibus campum Adversarius D. Turretini, dum magnificè extollit miracula & perpetua ac permanentia, & pe-

riodica ; dum allegat Hostias diutissimè conservatas, mures per S. Ulrici terram ex ejus Dioecesi fugatos , S. Januarii sanguinem capite admoto bullientem , Sanguinem Johannis Bapt. in eadem urbe , Corpus & Stolum S. Huberti contra rabiem caninam in Templo Andariensi , illiusque stolæ pilos , nunquam imminutos , vulneri inferendos &c. Verum non libet id mare specialius ingredi , nec enim suppetunt data certa , factaque experientia circumspecta omnibus comprobata , sine factis verò , datisque progredi in veritate inquirenda non licet ; dudumque ista sunt in foro Romano ita decisa , ut suffragia aliorum non desiderentur.

Claudendi verò jam nobis sunt rivi , etsi suppeterent plurima Medicam ad se considerationem ampliori operatrahentia. Id sedula inquisitione atque attentione advertet prudens Medicus , vires creatas nulli miraculo propriè dicto sufficere ; quia hæc vires naturæ penitus excedunt ; nec propriè loquendo vires Spirituum finitorum pertinent ad naturæ vires , ad mundum illi spiritus omninò pertinent , naturæ autem leges corporibus datæ sunt ; vires verò quas habent sunt finitæ , creatæ , miraculis præstandis prorsus impares. Specialia providentiæ divinæ opera Medico indies obvia sunt , quæ verò sapientissimè à Deo causarum naturalium actionibus ordinatissimis prævidendo ac providendo ita inferuntur , ut miraculorum propriè rationem , characteremque non habeant. Nec ii , qui rem penitus attentiusque ponderarunt , videre audent cum aliis distinctionem inter miracula & mirabilia , quicquid bonus regerat Poiretus , fundatissima enim est in mente eorum qui à partium studio sunt alieni , Medici mirabilia Dei opera tam frequenter habent obvia , toties τὸ Θεῖον mirantur , ac venerantur ; miracula parcius ipsis occurrunt , si in rigore talia requiras. Mirabilia sanè sunt Magica ,
Dæmo-

Dæmoniacaque opera, miracula non sunt; dudum novimus hypertranscendentem Modernorum quorundam scientiam hæc exhibilare in totum omnia, nos circumspectius incedentes, frequentes errores fastidimus, vera autem facta, omninò passim, si ulla superest Historica fides, obvia, non audemus negare, etsi nostram superent distinctam cognitionem. Etsi verò eo ipso debilioribus adscribamur Spiritibus, quorum nemo acumini pyrii pulveris mortalibus adeò noxii inventionem adscripserit; etsi stupori, simplicitati, ac inadvertentiæ Medicorum autoptarum malint omnia adjudicare facta illa subtilissimi materialistæ, nos tamen veritates tam manifestas negare non audemus. Nec ponderabimus nunc argumenta, quæ opera Diaboli vel mero lusui, ac fraudi, vel reali operationi adscribunt; videtur enim nobis, si quid liceat suspicari in his tenebris, esse in omnibus istis factis, quantumvis stupendis, aliquid reale, nostras vires, & notiones superans, & simul ordinariè aliquid illusionis, atque apparentiæ. Circulatores ea præstant, quæ simplicioribus Magica mox appellantur, sufficit eò eorum agilitas, dexteritas, actuum celeritas; Maligni Spiritus hos magnis passibus, gradibusque superant, sed & legibus naturæ ita uti occultis combinationibus agentium possunt, ut lusibus atque agilitati summæ jungatur realitas non inficianda; minimè tamen miraculosa. Quarum quidem rerum eventa magis arbitrabatur Cicero, quàm causas quæri oportere; quippe qui contentus erat, quod etiamsi quomodò quidque fiat ignoret, quod fiat intelligat; quippe qui dudum perspexerat, nonnullos etiam tædio investigandæ penitus veritatis, cuilibet opinioni temerè potius succumbere, quàm in exploranda pertinaci diligentia perseverare, quod omnia in rebus humanis dubia, incerta, suspensa, magisque omnia verisimilia, quàm vera existiment. Ubi lucula aliqua sese prodit, semper inquirendum ulterius, acriusque instandum; non tamen ultra debitum, scopumque nostrum; hinc Medici non adeò attendunt modernis quæstionibus, an Spiritus finiti agant in corpora? quomodo agant? an corpora habeant? an & peculiaris pro illis stabilita sit harmonia? an sit inter ipsorum corporumque actiones aliqua proportio? Hæc relinquunt Philosophis, expectantque quieti clariores idearum in isto campo evolutiones. Caventes assiduè ne quid in Systema Medicum ex Physicis irrepat non satis firmatum, probatumque.